



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Generalibus Principiis Amoris Et Morum - Prolegomena septem,
Librosque undecim complectens

Henricus, de Sancto Ignatio

Leodii, 1709

Caput IX. Idipsum amplius ostenditur ex Decreto Innocentii XI. damnantis
65. propositiones.

[urn:nbn:de:hbz:466:1-73187](#)

Sententia pientissimi Cardinalis Bona in principiis vit. christ. p. I. §. 21. *Hoc nimurum a nobis exigit fidei Christiana professio, ut omnia terrena transcedentes, ut vivamus divina. Ad hoc quippe apparet gratia Salvatoris nostri omnibus hominibus, erudiens nos, ut abnegantes impietatem, & secularia desideria, sobrie, & justè, & pie vivamus in hoc saeculo, expectantes beatam spem, & adventum gloriae magni Dei, & Salvatoris nostri Jesu Christi. Quae verba expponens Illustrissimum Castorensem in epist. ad Clerum Amori suo pœnitenti præfixa: „Testatur (inquit) Paulus gratiam erudiantem apparet omnibus hominibus, non ut divitibus & potentibus molliorem satiæ lutis viam offendere, quām pauperibus, opificibus & plebeis; sed apparet omnibus hominibus qui in ipsum credunt, ut eos omnes doceret abnegare impietatem & secularia desideria, non minus dedecentia Christiana nos Magistratus, Principes ac Potentes, quām dedeant rusticos, opifices, reliquaque plebs. Ab omnibus etiam pari ratione requiri, ut sobrie, justè & pie vivant in hoc saeculo. Nulli ergo Christianorum classi, nulli ordini permitta impietas; nulli licita secularia desideria; nulli concessum, ut, salvā Christi gratiā, aut intemperanter, aut injūstè, aut impie vivant; nulli indultum, ut impietatem & secularia desideria in corde retinens, sine presumptione à cœca temeritate, beatam spem & adventum gloriae magni Dei expectare possit.*

74. Quām justè abnegationem illam secularium omnium desideriorum, manfortique amoris rerum temporalium, à discipulis suis Salvator exigit? *In dilectione mundi* (ait Leo Papa Serm. 5. de jejun. 7. mens.) *omnīta sunt noxia. Assentior* (inquit Augustinus l. 1. de lib. arb. c. 15.) *omnia peccata hoc uno genere contineri, cūm quisque avertitur à diuinis, verèque mānentibus, & ad mutabilitia atque incerta convertitur. Que quamquam in ordine suo rectè locata sint, & suam quamdam pulchritudinem habent, peruersi tamen animi est, & inordinatis, eis sequendis subiici, quibus ad nutrītiū suūmū ducendis potius divino ordine ac iure prælatis est. Igitur quidem rebus, ut paulò ante dixerat, alius male, alius bene uitetur. Sed ille male, qui amore inhāreat.... ea bona sibi consti-tuens, quibus ordinandis benèque tractandis ipse esse utique deberet bonum. Ille autem qui rectè bis uitetur, offendat quidem bona esse, sed non sibi; non enim eum bonum melioreme faciunt, sed ab eo potius sunt, & ideo non eis amo-re conglutinetur. Tametsi omnis creatura Dei bona sit, non idē bonum est hominis, ut lumine naturali Tullius agnovit in Parad. dicens: *Potestne bonum cuiquam malo esse? aut potest quicquam in abundantia bonorum ipse esse non bonus?* Atqui omnia ista talia videmus, ut etiam improbi habeant, & obsint probis. *Quamobrem... ego nunquam illum bona perdidisse dicam, si quis pecus, aut suppellecilem amiserit. Quid-**

quamne bonum est, quod non eum, qui possidet, meliorem faciat? Cūm igitur temporalia bona verè non sint bonum hominis, amari non possunt ut bonum hominis. Non ergo propter se, sed propter id, propter quod instituta sunt, ut hominem adjuvent ad serviendum Deo, & divino impendantur obsequio. Qui ea aliter amat, in iisque velut in fine etiam negativè ultimo requiescit, quantum in ipso est, perturbat in se ordinem naturalē, quem lex aeterna conservari jubet, juxta Aug. l. 22. contra Faust. c. 28. adeoque peccat, alias venialiter, alias damnabiliter.

C A P U T X I X.

Idipsum amplius ostenditur ex Decreto Innocentii XI. damnantis 65. propositiones.

Octava quippe propositione ab Innocentio 75 XI. damnata sic sonat: *Comedere & bibere usque ad satietatem, ob solam voluptatem, non est peccatum, modo non oblitus valetudini. Quia licet potest appetitus naturalis suis actibus frui. Nona vero sic: Opus conjugii, ob solam voluptatem exercitum, omni penitus caret culpa & defectu veniali.*

Ex quarum propositionum damnatione 76 conficitur Ecclesiae doctrinam esse 1°. quod peccatum sit comedere & bibere, ob solam voluptatem, eti non oblitus valetudini. 2°. quod per consequens peccatum sit in cibo & potu intendere solam voluptatem cibi & potiū, eamque propter se finaliter amare. 3°. quod appetitus naturalis licet non possit frui suis actibus. Neque enim solam priorem partem octavae propositionis Ecclesia damnavit, sed & posteriorem, seu rationem, ob quam priorem illius partem recentiores Casuistæ tuebantur, videlicet, *qua licet potest appetitus naturalis suis actibus frui, id est, illos propter se amare, juxta Augustinianam fruitio-nis definitionem, secundum quam Casuistæ il-li fruitio-nis nomen haud dubiè acceperunt.*

Enim-verò si rationem hanc cum subjecto 77 damnata noluisse Pontifex, eam à subjecto suo, seu priore propositione (cui applicatur) separatam voluisse; ut voluit in damnatione propositionis 23. *Cum fides latè dicta ex testimoniō creaturarum, similiō motivo, ad justificationem sufficiat: Deus ignorari potest invincibiliter. Pontifex indecimam relinquere volens posteriorem hanc partem: Deus ignorari potest invincibiliter, à priori separatam voluit, solam priorem partem in damnatione ex-prestiti.*

Unde sic argumentor, 1°. Non licet propter 78 se finaliter amare, nec intendere voluptatem cibi, potiū, nec conjugalis concubitū. Ergo nec aliam quamcumque sensibilem voluptatem.

2°. Non licet propter se finaliter amare delectationem cibi & potiū. Ergo nec ipsum cibum, potumque. Nec per consequens pe-

Oo 3

cuniam, honores & similia ob eandem rationem. Quemadmodum enim delectationes instituta non sunt propter se, sed propter aliud; ita & cibus, & potus, & pecunia, & honores, &c. Et si amor sensibilis delectationis animam polluit; similiter amor cuiuscumque rei temporalis. Ut enim Augustinus lib. 6. de Musica c. 14. *Amor inferioris pulchritudinis animam polluit.*

79 3°. Appetitus naturalis licet non potest suis actibus frui. Ergo nec appetitus rationalis, seu voluntas. Quia omnis ratio, quae probat unum, probat & alterum. Quod enim appetitus naturalis suis actibus licet non fruatur, est quia creatura sunt, quae, cum propter se non sint, propter se amanda non sunt. Quod de omni creatura verificatur. Nec est cur appetitus naturalis frui non posset actibus suis, sive eos propter se amare, si creatura propter se amor licitus esset. Nec tamen propter ea volumus, damnatam esse propositionem, quae dicit, licitum esse creaturæ propter se amorem; sed solum quid contrarium istius propositionis ex damnata illa propositione inferatur.

80 Sed quid de opinione eorum qui prætendunt moderatum amorem, etiam sensibilem voluptatum cibi, potus, conjugalis actus, &c. ipsis propter se inharentem, esse licitum, solumque immoderatum esse vetitum? Sic utique, adhuc post Innocentii XI. Decretum, cum Juliano Pelagianorum antesignano, opinantes vidi Recentiores nonnullos. Ita nominatim Henricus van Jerssel in Thesi Lovaniæ in Conventu Minorum Recollect. 16. Julii anno 1680. defensa concil. 3. coroll. 7.

81 Respondeo quod hanc opinionem animalem, Evangelicisque regulis ac vita christiana principiis adversam, Augustinus in suis contra Julianum libris, de promptram conqueritur ex corruptis voluptuariorum Philosophorum Epicuri & Dinomachi promptuariis, diuque ante Augustinum Philosophus confutavit in suis ad Nicomachum Ethicis l. 3. c. 10. voluptates illas serviles & ferinas appellans, indignas proinde, ad quas humanus appetitus propter se descenderet. Confutavit & Seneca epist. 88. eò quod temperantia voluptatibus imperat. . . . nec unquam ad illas propter illas venit.

82 Et ratio est, quia inordinatum est finem, etiam negativè ultimum, ponere in eo, quod in ordine rerum non habet rationem finis, sed medii ad aliud ordinati. Nulla vero delectabilia, quæ in usum hominis veniunt, in ordine rerum habent rationem finis, sed medii ordinati ad aliquam hujus vitæ necessitatem, uti docet S. Thomas 2. 2. q. 14. a. 6. Et ideo malum est ponere finem in delectatione ludii, ait ibidem q. 68. a. 2. ad 1. vulgatum quippe est istud Philosophi: *Delectationes sunt propter operationes.* Quando vero quis comedit, bibit, conjugi miscetur, &c. propter annexas delectationes, operationes istæ, ordine inverso,

Septimus.

sunt propter delectationes. Quod est natura ordinem invertere.

Sed inordinatum est, quod homo, ad majora natus, quam ad hoc ut sensuum serviat voluptatibus; naturalis suæ dignitatis adeò obliviscatur, ut sordidis & bellumis delectationibus se per amorem subjiciat, earumque propter se amore se polluat. Quod ex pœnissimis facit, qui eas propter se finaliter amat & intendit. Nobiliorem utique finem, quam pecora, sibi in omnibus operationibus præfigere debet, qui paulo minus ab Angelis minoratus, ad imaginem Dei accepit esse longè nobilior cunctis pecoribus.

Et confirmatur 1°. non solum rationibus omnibus cap. 4. & 7. deductis, sed & insuper quia si voluptates cibi, potus, conjugalis actus, &c. propter se finaliter intendi possint & amari, adeoque esse possint finis amoris & intentionis nostræ, intendi & amari possint absque termino & mensura, (quod ne ipsi quidem Adversarii admittunt) cum eorum qua appetuntur in ordine ad finem, mensura sit & terminus, secundum exigentiam finis; non verò eorum qua appetuntur ut finis. Quia, ut Angelicus Doctor ait 2. 2. q. 27. a. 6. appetitus finis in omnibus actibus est absque fine & termino. Non enim Medicus imponit aliquid terminum sanatori; sed facit eam perfectam quantum potest; sed medicina imponit terminum. Non enim tantum dat de medicina quantum potest, sed secundum proportionem ad sanitatem. Quam proportionem si medicina excederet, vel ab ea deficeret, immoderata esset. Et q. 184. a. 12. In fine non exhibetur aliqua mensura, sed solum in his qua sunt ad finem.

2°. Humana laus, gloria, honor, &c. 85 eo ipso immoderata appetuntur, quo propter se, non propter aliud appetuntur. Idem ergo de voluptatibus illis dicendum. Ac per confessus reprobanda est Ethica, dicens, esse licitum operari propter moderatam delectationem cibi, potus, vel conjugalis actus. Sicut reprobanda Ethica, dicens, esse licitum operari propter moderatam humanam laudem, gloriam, honorem, &c. Cur enim illicitum sit operari propter moderatam humanam laudem, gloriam, &c. si licitum sit operari propter moderatum finem longè viliorem, animalem utique voluptatem? & si hanc, dummodo non excessivam, propter se intendere, amare, & querere licet; quidem & humanam laudem, gloriam, honorem, &c. Quod si licitum esset, licita esset vana gloria non excessiva, ambitio, laetitia, avaritia, &c. non excessiva. Quod sicut absque contradictione affeti nequit; ita nec illud. Sicut ergo non datur moderatus amor humanæ laudis, gloriae, honoris, pecuniae, &c. finaliter propter se; sic nec moderatus amor voluptatis cibi, potus, concubitus, &c. finaliter propter se. Quod autem non detur moderatus amor humanæ laudis, &c. finaliter propter se, constat ex Evangelio, in quo Christus Pharisæos reprehendit, in eo quod opera sua facerent ut vide-

sentur ab hominibus, ipsorumque ambitionem non aliter depingit, nisi dicendo: *Amant primos accubitus in canis, & primas cathedras in Synagogo, & salutiones in foro, & vocari ab hominum Rabbi; humanaque insuper laudis, atque honoris amorem discipulis suis inhibet, addens: Vos autem nolite vocari Rabbi, nec vocemini Magistri.* Et Apostolus 2. Cor. 5. *Nun efficiamini inanis gloria cupidi.* Et ad Galat. 5. *An quaro hominibus placere? Si adhuc hominibus placarem, Christi servus non esset.* An & ista queri & amari possunt moderare? At hoc est moderationem in immoderatione prætendere, & ut Tullius ait de iis qui solùm immoderatas cupiditates reprehendunt, hoc est dicere, non reprehenderem *Apostolos, si non essent Apostoli.* Ita modo ne improbus quidem, si essent boni viri.... & quidem illud non nimium probò, & tamen patior Philosophum loqui de cupiditatibus finiendis, id est, moderate satiandi. *An potest cupiditas finiri, id est, moderate satiari?* Tollenda est, atque extrahenda radicis, ita ut nihil propter eam fiat. *Quis est enim, in quo sit cupiditas, qui restet, id est, moderate cupidus dici possit?* Ergo & avarus erit, sed finie, id est, moderate; & adulter verum habebit modum, & luxurias eodem modo. Qualis ista Philosophia est? que non interitum offerat pravitatis, sed sit contenta mediocritate vitorum.

86 An post hæc Adversarii dicent esse licitum amorem moderatè placendi hominibus, amorem inanis gloriae moderatæ, amorem primorum accubitum moderatorum in cœnis? Cum hoc dicere nequeant secundum Evangelium, profectò nec dicere esse licitum amorem moderate voluptatis sensuum, &c. siquidem eo ipso voluptas ista moderate non quæritur, nec amat, quo propter se finaliter queritur & amat, ut patet à simili in amore humanæ laudis, honoris, pecuniae, &c. Omnes namque fines isti inordinate, atque adeò immoderatè intenduntur & amantur, ut docet Augustinus serm. 234. de temp. c. 5. dicens: *Iste finis est reprehensibilis, atque culpabilis, si que ad hominum laudem velle bene facere, nihil amplius inde querere.* Unde in Psalmum 80. peccati arguit eos qui rebus infirmatis confessi inhærent aliquantulum dilectione. Et S. Fulgentius epist. 1. de conjugali debito, posteaquam c. 1. dixit: *Culpabilis usus conjugii, non in conjugali concubitu, sed in concubentium reperietur excessus; neque in commissione maris & fœmina, sed ex immoderatione libidinis culpari trahit coitus conjugalis.* Et cap. 3. *Hujus igitur conjugalis potestatis inculpabilis est usus, officio gignendi divinitus attributus, si iustitia terminum transgredi libidinosus non permittatur excessus:* Ibidem consequenter exponens in quo consistat iste excessus, & immoderatio libidinis, iustitia terminum transgrediens, sic ait: *In iustitia vero mendi conjugio hoc est, ut non explenda libidinis, sed substituenda prolis obveniu sibi conjuges, congruo tempore miscantur.*

tur. Excessus proinde & immoderatio libidinis non solùm invenitur dum libido seu voluptas nimis magna illo in actu queritur & intenditur; sed dum actus ille ob libidinem, seu carnis voluptatem, non ob prolis generationem exercetur. Hoc est quod peripicte declarat verbis sequentibus: *Sed quia sine libidine in corpore mortis brevis proles humana non seruitur, non eam affectant conjugia casta, sed tolerant, eisque imponit nuptialis honestas modum.... Sic ergo queri debet ex nuptiis fructus, ut cohibendus sit lubrica libidinis excessus.* Quomodo hoc? non propter libidinem, sed propter prolem, utendo conjugio: *Quocirca si conjugalis usus eatenus temperetur, ut non aseueranti libidini animus serviat (earum propter se intendendo) sed proutrum nasciture prolis attendat, & cum nata fuerit, diluendam certius spirituali generatione non negligat, non depurat fidelibus conjugibus ad peccatum carnis indulta commixtio.... Conjugatus ergo.... si thoracis fidem non deserat, sed in uxore sua naturali dum exeat usus aliquantulum intemperatus accedit (audi jam, in quo intemperantiam istam excessumque constitutat) non solùm sciencie generationem querens, sed aliquando libidini carnis obediens, ipsam propter seipsum affectando, hoc equidem sine culpa non facit.* Etc. 4. Ergo.... maculam.... contrahit infirmitas carnis.... quisquis non solùm generatione, sed etiam propter fragilitatem carnis sua miscetur uxori. Quid clarius? Unde c. 9. concludit: *Ut omnia vestra honestè fiant in redditione conjugalis debiti, sic infirmitatem carnis usus excipiatur conjugalis, ut non caro, multò minus animus libidini serviat, sed... subseruente veracandia, dum se ad opus fecunditatis animus felicitatis inclinat, modestiam simul naturalis honestatis Deo adjuvante custodiat.*

Hæc plurimam satis ad confutandam animalem illam opinionem, satis confutatam damnatione 8. & 9. propositionis. Quarum profectò Authores non dixerunt esse licitum comedere, bibere, conjugio uti, propter immoderatam, seu excessivam voluptatem (imò ne Julianus quidem Pelagianus id unquam dixit) sed propter moderatam, ut ipsi putabant & exprimebant. Eorum nihilominus opinionem Innocentius XI. seu Ecclesia per ipsum condemnavit.

C A P U T X.

Satisfit objectionibus prætentientium, licitum esse operari propter voluptatem, etiam sensibulum.

O Bjicies 1°. Si licitum non esset opera- 88 ri propter moderatam voluptatem, frustra darentur virtutes morales; utpote quarum officium est medium in passionibus ponere, excessivas refranndo, moderatas admitten- do.

Respondeo negando sequelam. Neque enim medium in passionibus ponit, qui voluptates